

何宮贊遺書

海陀華館初集

番禺何若瑤著

春晚過故里

聽到瀟瀟雨吳娘一曲成不知花落盡隨處覓鶯聲

贈秩籌

高樓彈素琴蕭瑟多悲音與子一爲別攀條不可任柳梢
碧雲合桃葉青春深解佩願言贈悠悠千載心

別肇光

落日淡生烟高樓人悄然涼風動哀思有客鳴清絃楊柳
秋多雨芙蓉綠到船何當一尊酒明日又江天

夢中作

溪北溪南春草生碧櫻紅藥雨初晴踏殘雲影去何處一

曲山歌月正明

夢後作

非雲非水那尋家
悟入虛無色相差
愧我塵根渾未盡
苦從方外問桃花

除夕前一日仙城往返舟中作

雨腳不到處
曉光涼滿船
岸痕切沙直
海氣弔峰圓
葉瘦影逾怯
雲明態轉妍
蓬窗正憑眺
水鳥穩雙眠

天容忽如夢
動地朔風驕
莽莽溶孤黑
騷騷山四搖
烟痕冥濕瓦
塢影碎奔潮
汎潑師營上
旗聲怒未消

中路蒼黃泊
沿山躑躅行
千迴穿鳥道
一綫接羊城
臘意消新水
春光逗晚晴
趁墟人處處
綠橘與黃橙

返棹隨風去輕舟趁落暉
濤聲穿地吼帆勢破空飛
野渡鄉音雜炊烟木末微
寒畦近堪眺吾愛芥花肥

題畫

人生快樂孰過此三尺竹竿
百尺水人生坎壈復如何滄
江日夜生風波天地浮雲倏
朝暮明月扁舟自來去有時
爛醉隨所之一葉乘風竟何
處空青一髮江上山髣髴置
我瀟湘間葦花瑟瑟涼雲厚
又似移家鶯脰口夕陽欲落
奔濤陡白晝蛟鼉作雷吼汀
洲遠雁不知數更畫飄殘幾
株柳滄江極目風帆稀江風
激激吹人衣天寒欲釣不可
得明日收綸且復歸

客談粵西山水之奇

隄然天欲坼怪石奮昂頭危棧爭人鬼炊烟雜虎猴崖縣
分瀑勢風峭刮鄉愁桂水何年渡聞言已卧游

次黎竹賓韻

虎踞龍拏墨未乾新宮無爲孝廉刊題名自有鴻都石莫
當雷轟薦福看

雞汁風流綺歲傳頻年碧落夢游仙等閒明月江東夜姓
字秋來已炳然

書劍年年學不成縱橫紙上更論兵樓蘭一戰尋常事重
上燕然勒姓名

和竹賓題畫之作

活活輕紅筆底描月華如水火雲驕分明柳色參差裏十

里青山長板橋

莫話滄桑十載前海山孤負眼中仙三生清福能消受裝箇吳儂鴨嘴船

讀梁書

辛苦羊車作紙鴟江潭苑裏御軍移千秋家國無窮恨付與湘東一局碁

友人以夢游羅浮詩索和率成四首

秋色蕩仙岑蒼蒼浮古陰美人對遙夜獨坐張鳴琴胡蝶紫裊暮菖蒲綠玉深師雄何處所千載託知音

我有玉龍笛言尋古鐵橋倚橋待初月崇木激鮮飈四百二峯上歸雲如可招勞生一炊黍邱壑尙逍遙

况乃仙靈窟紫雲常去來排雲一以眺歷歷金銀臺臺高
不可極雲氣爲誰開邈矣懷之子梅村吟落梅

紅翠不相識翩翩凌紫霞瑤臺一片石五色遺仙葩歲蕤
君子佩可以作瑤華借問酒田畔麻姑何處家

空閨曲

屋西見鳥飛屋東聞鳥啼門前烏白樹夜夜汝雙栖
開門逐鳥去開軒迎鵲至鵲聲日嘖嘖倚門日三四

學署仙掌石

石九曜之一見覃溪詩學使斷榕根出之文云九口
石碧海出蜃閣青空起夏雲瑰奇口怪石錯落動乾
文米黻熙甯六年七月六行三十一字

白虹縹緲奔長鯨鴉鉏百丈開元冰誰其蛻者太白精字
三十一榕根青苔花不敢埋姓名以手浣之鋒稜稜米黻
七月年熙甯句奇語重詩鏗鉤怪瑋錯落龍蛇形想見此
老才縱橫墨汁一噴陰風冥真宰上訴蒼天驚神母晝號
鬼仙嘯日月倒挂搖南溟笙媧叱咤雷車乘收攝精魄驅
神丁藥洲之水花流馨守以龍犬淵重局猗歟盛治宣文
明岐陽伐鼓鳴昇平玉堂仙吏揚仙舫龍宮浪恬珊枝擎
藥洲風雨聞呶嚶蛟鱷蜃蛤龜鼉至寶欲出雲濤興萬
怪惶惑唬寒蠅乃知一物出潛離隱亦有數况得大匠拂
拭加磨瑩大興學士惜往矣斗牛五色夜夜騰光晶

讀庾開府集

紙鳶風急隔曾雲坐對楸枰日又曛惆悵烏啼湘水夜秋
風何處哭參軍

建業分明控上游龍輿一夕下荊州官家誤聽宗黃計暮
雨寒潮打石頭

香火因緣總逝波秦川西去楚囚多何堪處處張餽餅供
養淒涼陸法和

文武江陵付劫灰枇杷無復鼓聲催白頭賸有江南客日
暮華林侍燕回

城西客

黃雲慘淡元雲愁陰風怒撼城西樓城門夜閉古蒿滿月
黑老烏啼白頭有客聞烏淚霑臆拊手低眉慘無色艱難

新道陽關來爲我殷勤話西域西域幕府風清時美人窈
窕長蛾眉羔酒擅廬夜張宴回兒褐睨珊瑚卮將軍校獵
臨郊甸爾牛爾羊大官膳旌旗五色壓于闐八城無糜馬
飽麪庸知世事猶轉蓬婁豬突兀成虬龍劍光晝指黑水
動狼烟夜報蔥河通黃沙自此無畜牧蒼豺噉血狼齧肉
濕鼓不鳴官軍逃白骨山高鬼車哭飛燐帶血草肅肅寡
婦呻吟仰寒屋淒涼藜藿供晨昏躑躅窮山不盈刳我聞
此語心魂悽行坐不樂哀蒼黎書生豈有制邊略傷痍蒿
目難安栖於戲清酒黃龍瞰日誓白虎唁唁四夷衛爭桑
鬻起倉箱空輸粟重沿漢文例鴻恩租稅今年蠲大麥小
麥枯窮邊安得班趙西鳴絃沿邊牛馬仍南眠

睡起

人生無百年苦用傷懷抱及時不行樂容華易衰老百物
天地間何醜亦何好天地有盡時各各豈自保高齋涼雨
過几榻滌煩燠心閒起偶晏不覺日杲杲

飲酒

涼風吹碧雲明月照我衣有風復有月我與人共之天地
本無我而我何所私欲飲自開尊興至吟我詩詩成酒亦
醉隱几忘何時

上巳初經春情轉劇緒風緩緩吹綠野以何多穀雨
疎疎睇紅芳而欲歇裊裊烟景歎息彌襟偶矢微吟
爰成短什

姹紫嫣紅取次嬌
江城殘笛雨瀟瀟
關心別有多情柳
占盡風流向小橋

十里玻璃蜨影寒
淡香濃豔繞闌干
銷魂一種傾城色
只與行人隔岸看

秋興

雲影蒼蒼楓樹林
美人不見愁人心
徘徊明月一延企
南雁瀟湘秋水深
青案殷勤苦相憶
綠琴寂寞誰爲音
西風一曲幽蘭操
空谷何勞惻愴吟

鄔氏妹

同產惟存汝伶仃
倍共親可憐無老母
相對有酸辛風雪
天如夢鶯花雨不春
悲鳴况迢隔撫景更傷神

聞警

玉河西並玉山流淺草平沙縱牧游
一自羽書前日報至今烽火

聖人憂荒城月黑吹笳早古磧雲寒戰骨愁
漫等輪臺便輕棄

先皇宵旰定神州

黃雲浩蕩擁貔貅殺氣平連瀚海頭
苜蓿幾時歸漢苑琵琶一曲過涼州
荒山雪老天常暮大漠霜高月不秋
辛苦臨邊諸將士凱歌何日解

皇憂

春懷

西山王氣五雲邊北望

神京路八千見說

聖明勤紹述每於司牧慎銓因循屢鑒先朝弊豐樂頻
裁內府錢中外可能同日贊萬方翹祝太平年

單心祇欲承家法積弊真期埽一朝納粟起於文景世拜
官裁自

聖明朝竈鼉舊宅宣房徙鴻雁新圖鄭俠描自古憂勞成
久道會看風化入簫韶

讀明史感賦

河山高控接雲霄南北分京總寂寥從古破亡緣內豎況
堪朋黨盛中朝論兵幾輩輸韓范謀國何人亞管蕭惆悵

奇才空抑塞此時王室正漂搖

風塵莽莽入弓刀盜賊橫行似蝟毛舉眼一杯浮福祿傷
心諸鎮擁旌旄文懸督撫招降易饒乏朝廷議勦勞天運
可憐逢百六蒼生憔悴竟何逃

封事紛紜待漏傳治安無策靖三邊衣糧給伍多糜額幕
府登勞不控弦謀切身家頻督戰才能經略總嫌專淒涼
一朶煤山淚剩有哀猿哭暮烟

思婦

秋風吹素帷思婦歎空房借問歎何爲愴然懷他鄉天涯
多雨雪念之摧肝腸仰視浮雲馳俛見明月光君身如飛
鴻安知落何方恨無雙羽翼隨君日夕翔

豺虎行

百錢捕一豺三千捕一虎貪狼一朝長百獸黃狐嘯歌赤
狐舞將軍射獵南山來秋草颯颯石洞開獨奈灞陵逢醉
尉山中猿狖自相哀

讀史

馬不必善飛鵠不必善走我能順物性物各有其有長瓢
可使汲不可以爲臼利刃不可割不可以爲斗吁嗟何世
無賢才古來往往傷掣肘

深山

深山無麒麟妖狐化爲虎豺棘作人立百錢安敢捕猩猩
披髮啼飲酒笑且舞白日蕩黃昏騶虞淚如雨何日虞廷

舞干羽后夔典樂諧擊拊

青鸞行

翩翩五色鳥璀璨輝文章自言爲青鸞振羽登明堂明堂
之樹玉琅玕仙風吹之清且寒朝飲瑤池晚瓊島天上雙
棲顏色好夕陽衰草徧荒陵杜鵑處處啼冬青羽毛零落
焉足矜君不見南山烏鵲慣卑飛不樂梧桐棲鳳枝

戊子元旦

歲月愁中盡鶯花病後新百年悲骨肉萬念息風塵天地
孤燈淚江湖小草春不堪逢令節俛仰益酸辛

殺氣天山滿安危勝算操可憐諸將往未釋

聖躬勞飛輓黃塵遠空城白骨高驚心花鳥換春色上弓